



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
894/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
894/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
894/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
894/A

894/A

D. xviii. p
16

Hoepli
May 03

✠ DE ANIMA ✠

DIALOGVS, INQVO PRISCO.

rum falsæ damnantur opiniones, philosoph. Et veræ
narrantur, deq; eius infusione, in embrionem, ve
ra demonstratione, & omnibus alijs quæ ad
animâ spectare videntur cum Ar-
boribus Vegetatiuæ, Sensiti-
uæ, & quoq; Intelle-
ctiuæ, nunc
primum in lucem æditus.

AUTHORE MICHAELE
ANGELO BLON,
DO PHISICO.



R O M A E.
M. D. X X X X V.

Cum privilegio Diui PAVLI III. M. P.
in decennium,

DE ANIMA

DIALOGVS. IN QVO PRISCO

et veris de immortalitate animae, philosophus. Et veris

mentibus, de quibus in corpore, in corpore, et

in demonstratione, et omnibus aliis que ad

animae naturam pertinent, et

horum veritatem, et

et, et quae intellectus


et, et

primum in locum adit.

AUTHOR MICHAEL

ANGELUS BLOM

D. PRISCO



R. O. M. A. E.

M. D. C. C. X. X. V.

Ex officina Typographicae A. VALLI M. D.

in decembris

ALTISSIMI DEI MINISTRO

MICHAELI ARCHANGELO, MICHAEL

ANGELVS BLONDVS SE.

ruus humillimus. S.



T QVONIAM *superioribus annis, quas-*
dam vigilias nostras, dicauimus diuersis prin-
cipibus nostris, arbitantes plurimū profi-
cere, cum in beneuolentia tum in seruitute, ad
hoc. n. videtur productum esse genus humanum. Tamen
postq̃ ex desiderio non successerit nobis, & si dicti, omnige-
nere hominum afficiantur, existimauius, quam uis sero,
tuum nobis amorē conciliantes, magni prouentus fore, con-
stat. n. te ē genium nostrum, ē custodem esse, propterea cū
de anima scripserimus cum filio disputatiunculam, qua nil ca-
rius est homini, utilissimum etiam putauimus, illam, tibi com-
mendare, Et hoc quod scripsimus, primum, Deo optimo,
demum tibi dicamus, rogantes ut tam nostræ ani-
mæ q̃ filiorū nostrorū bonus custos esse ve-
lis ē defensor, ne hostium ob duca-
mur salatijs, priusq̃ ascenda-
mus cœlū, depositis
exuuijs humanis de p̃cepto altissimi. Val.

Ex Vrbe sub uigilia Diui Pauli. III. Opt. P.



DE ANIMA
MICHAELIS ANGELI BLONDI
DIALOGVS.
INTERLOCVTORES PATER
CV M FILIO.
BLONDVS. SCIPIO.



MAGNUM prouentū fili mi, annus hic attulit, philosophorum, nam tota serē hyeme, nullus dies profestus fuit, quo non ascenderet aliquis cathedram, luvat utiq; philosophantes, q; uigeant studia, quia sic proferunt se ingenia mortalium ē ostentant, quam uis ad audiendū a quibusdam pigre itur, pleriq; etiam in uetitis stationibus sedent, quoniam hac tempestate, scortum factum est, res iucundissima, quidam in aulis, P. tempus cōterunt in audiendis, uel recitandis fabulis, quidam ē nolentibus serere facetias molesti sunt, Nōnulli ē sero ē lento gradu ueniunt ad studia, quidam studio penitus, erroribus uero nunq; parcunt, plurimi etiam palam ē absq; simulatione student, inter quos, serunt. M. A. Sophronij filium ualde sollicitum esse, quoniam ad recitantes ē minima quæq; subito currit, quod me multum afficit fili, Est. n. hoc inditium eius futuræ prudentiæ.

SCIPIO, quid inde, genitor mi.

BLONDVS, dicā, semper amaui te paterno amore, propterea & ad studium excitauī, ut quemadmodū plerosq; alios, in literario genere sentio laudari, ita etiam cupio in eodem genere Scipionis perfectam esse solitudinem, ut eodem exemplo facile inteligam alios moueri, quo ipse etiā, ut audis modo motus sum, hortādo te ad studia, Caue ergo ne ab aliquo solerti, Ut otiosus uoceris, uel adnonearis, at ultro accedes ad audiendum philosophorum doctrinam, quoniam sic parenti indies magis carus eris.

SCIPIO, praeceptis mei genitoris conabor parere, pro uiribus.

BLONDVS, Nihil est fili, quod a te gratius poterā percipere, postq; ergo paratissimum te esse nosco, insusci- piendis honestissimis rebus patris tui, constitui, gradiens tecū ratiotinari de uirtutibus illis, quae beant animos mor- taliū, & pueros equae adolēcentes ad bene uiuendum in- struunt, propterea cum filius dicitur patris pars maxima uel etiam uocatur ipsa anima, De hac maxima parte, uel potius anima domum redeūtes sermonem habebimus, nāq; omnes, & philosophantes etiam disputant praecipue de Anima.

SCIPIO nimirum, quis namq; unq; uidit animam, ut cer- tus possit esse quid sit, uel qualis, efer igitur, rogo, erudiens filium genitor mi, quid sit anima qua mortales uiuunt.

BLONDVS, Nequeo an ime mi huc ardue rei inue-

nire initium idoneum, unde exordiar, quæ uel pceperim,
uel legerim, apud philosophos, de anima, tamen cū procul
a nobis sunt illi quibus leuissima quæq; stomacho sunt, ab oc
currentibus incipiam, omittens rationes quibus Anaxago
ras mouebatur, efferens, animam intellectum esse cuncta
mouentem, uel quibus utebatur Democritus, inquiens ani
mam ignem, uel calorem esse, at hominis, & figuris existē
tem eorum, quæ numero comprehendere non poterant, preter
ream & Leucippi mentem, qui censebat animam fieri ex
indivisibilibus sphericis corporibus, uerum penetrantibus
corpora mortalium, neq; aducam ut probabilem opinionē,
Pithagoræ, qui ausus est ferre, Animam fieri ex decisione
at hominū stantium in aere, nec affirmabo rationem, quæ
hactenus non est comperta, qua inductus est Empedo
cles, credere animam ex igne, aere, & aqua compositam,
amicitia & lite, quorum concordiam aiebat constituere,
discordiā uero corrumpere animam, nec laudabo Plato
nis sententiam quam uis dissentiat ab opinione dictorum,
Afferit enim Animā numerū esse semet ipsū mouentē, nec
uolo credas, quod Thales milesius credidit quoniā arbitra
tus est animam esse aliquid motuum, eadē ratione ductus
protulit & magnetem animatum esse, quia ferrum mo
uendo contrahit, dices & Diogenis opinionem falsam es
se, cum aerem tenuissimum aestimauit esse animam.

SCIPIO, uoluptatem mihi magnam nuncias, efferens,
horum utiq; iridendas opiniones, perge igitur ut noscā pri

scorum errores, nam cognitis illis, facile compar ero illi
qui a bono p̄ceptore optime instructus est.

BLONDVS, quæ mihi nota sunt fili efferam paterno
amore, ut tibi doctrinæ sint, verumtamen, priusq̃ ad rē
propositam venero, cæterorum etiam philosophorum, sal-
sas opiniones recitabo, ne aliquando, uel lectitans eas, uel
audiens ab aliquo, possis errare, in doctrina de anima,
Eraclius arbitrabatur animam vaporem esse incorporalis-
simum semper fluentem, quo alia constituuntur, quantum
errabat is una cum illo qui putabat animam uaporē esse,
quam uis immortalem affirmabat, æstimo fili quod iam
facile comp̄hendis, non est ergo fides adhibenda Hippo-
cuidam, qui animā aquam esse retulit, neq̃ illi qui sanguinē
esse dixit, & si mouebatur hac ratione, inquiens, sentire
propriū est animæ, sed hoc propriū est animali pro-
pter sanguinē. Ex dictis autem omnibus, ut notissimū est,
nemo istorum protulit animam fieri ex terra, & si credi-
derint ex alijs productam esse elementis, p̄ter Parmenidē
qui efferre ausus est animam productam esse ex terra &
igne, At Zenocrates arbitratus est animam esse numerū
se ipsū mouentem. Archilaus, virtutem dirigētem atho-
mos, sed Asclepiades exercitium quinq̃ sensuū esse, en igi-
tur priscorum sapientum fili haud veræ opiniones de ani-
ma, aiunt etiā quidam Hypp. dixisse animam esse tenu-
em spiritam diffusum per totum corpus, legi ipse etiam
apud eundē, libro de victus ratione, ubi differit de homine
inquit

inquit tandem, commixta quidem igni & aqua serpit in
hominem anima, propterea et Epicurus retulit animā vi-
gorem quendam igneum esse, Et Philippus Didascalus cō-
mediarum, numerum aliorum sphericorum, falso etiam
Ponticus, arbitratus est animam lucem esse, Porphyrius
essentiam simplicem, aptam natamque posse separari a cor-
pore, Seneca vero sapientius retulit animam spiritum esse
intellectualem ordinatum ad beatitudinē, Et Maro prin-
ceps poetarum, cecinit, igneum vigorem, & cœlestem ori-
ginem, appellavit animam. Veruntamen inter philoso-
phos qui dixerunt animam immortalem esse primus fuit
Phereciades, idem etiam affirmavit Pythagoras eius disci-
pulus, post hos & Architas Tarentinus, quod & Arist.
& plurimi ex Arabis & Gal. medentium celeberrimus
erat eiusdem opinionis, quod & Auerroys credidit, multis
alijs cum philosophis, hæc etiam diffusius apud Arist. pri-
mo & tertio de anima poteris cognoscere, nam collegit
omniū opiniones qui de anima tractarunt, quorū fili iam
post habitis opinionibus ad occurrentia sed veriora descen-
do dictis, Sapientiores nostræ tempestatis dicunt animā
qua vivimus ambo, quandam spirituales substantiam es-
se rationis compotem, dantem vitam & perfectionem
nostris corporibus.

SCIPIO, hæc profecto, mihi videtur præstantior opinio,
dictis, hæc. n. filij tui crescentem animum, instruit accura-
tius, vere tandem confitear patris mei doctrinam speculū

B

esse omnium mortalium.

BLONDVS scias ergo fili, q̄ in omnibus meis curis cōfugio ad studia tanq̄ ad vnicum solamen quid. n. magis solatur virum non inuenio, ideo si quid laude dignum efficere credis, stude vel scribere tenta, nam legendo homines fiunt prudentiores & scribendo putantur doctiores, in his tandem duobus an me ipsum exerceo uides, fac ergo ut semper sim exemplo tibi, namq; dum immitaberis patrē, confitebor te uerū meum filium esse, rediens autē unde egressus uideor, sapientiores nostri ferunt animā productam esse a deo ex nihilo tandem, quam diuus Augustinus diffiniens ait, spiritualemente intellectualem rationalem, semper uiuentem, seq; ipsam semper mouentem, bonae & malae uoluntatis compotem etiam esse.

SCIPIO, Aliā rem ex alia, sed probe narras, quā haud percipio genitor mi.

BLONDVS, prebe te fili, cum docilem tum facilem ēt, quia percipies, Damascenus ille dixit, animam esse uiuentem substantiam, simplicem, incorpoream, secundum propriam naturam inuisibilem, infigurabilem, immortalem, rationalem, intellectualem, atq; organico corpore utētem, & uitae mortalium incrementum, & sensus ipsos p̄bentē, neq; aliud possidentem, q̄ se ipsam, & intellectum, secundum sui purissimam partem,

SCIPIO. q̄ mirandus est Damascenus cum hac diffinitione, quia sustulit animam supra intellectum filij tui.

BLONDVS, porro fili ut ex studijs mihi gaudiū, sic
ex hoc sermone puto proueniat tibi incunda hilaritas, et
est signum futuræ pstantiæ, pronosticor equidem, nam
tales reddunt animos, quæ afficiunt hominem, propterea
audi etiam noscenda comperiuntur et quidam alij, qui
dicunt animam quandam simplicem substantiam, uiuentē,
incorpoream, inuisibilem immortalem, rationalem, intel-
lectualem infigurabilem, ueramtamen organico corpore
utentem, ipsumq; regentem atq; in eo habitantem, totamq;
diffusam esse in singulis membris hominis, libere dantem
incrementum, sensum etiam et generationem, ex uolun-
tate agentem, et semper fungentem libero arbitrio, Et
ipsius Dei pferentem imaginem, quoniam mortalium
anima quippe res est diuina, in se ipsa possidens plurimas
speties et ornamenta.

SCIPIO, dum cupis genitor mi, ut hæc filius tuus recte
comphendat, fac, ut e scopulo, me ducas in trāquillū, nil. n.
mihi carius potuit efferi, perge igitur et dotes et spes
animæ referens, ne ab aliquo possim ifici, talia male narrā-
tem audiens, quare dum eliges a philosophis quæ boni suc-
ci plena sunt, quæ uero mali destitutes non tam filio, qm et
alijs, cupientibus uere philosophari carnis eris.

BLONDVS, libenter hoc faciam, scias ergo quod om-
nes quibus res sunt minus notæ, magis nescio quo modo,
proni sunt ad dubitandum, qui et si cuncta accipiunt quæ
narrantur, tamen propter quandā impotentiam credunt

B ij

se non posse ardua percipere, constat ergo, quod dum anima spirat, spiritum esse, dum sentit sensum uocari, dumque sapit, animum, sed cum intelligit mentem dici, dum ratione discernit, rationis habere nomen, dum assentit uoluntatem appellari, dum recordatur, memoriam nuncupari, cum recte uiuit Dei possidere imaginem, dum uero uirtutibus est insignita, scias deo atque angelis esse simillimam, dum uirtutibus est plena, fateor ut uerus Christicola, trinitatis sedem esse. Creauit. n. Deus hominem ad imaginem uel propriam similitudinem, & hoc fili intelligendum est secundum mentem, qua homo in rationabilibus cetera antecellit animalia, ad imaginem ergo, dico factum esse hominem secundum memoriam, intelligentiam & dilectionem, & ad similitudinem, fateor secundum innocentiam & iustitiam, quae in mente rationali naturaliter sunt, uel imago, consideratur in cognitione ueritatis, & similitudo in amore uirtutis, uel imago in omnibus alijs, at similitudo in essentia, quia anima immortalis atque indiuisibilis est, Ideo Augustinus in lib. de quant. animae ait, Anima facta est similis Deo, quia Deus eam fecit immortalem & indiuisibilem, imago igitur pertinet ad formam, similitudo ad naturam, Itaque homo secundum animam factus est, ad imaginem, non patris tantum, uel filij, uel spiritus sancti, sed totius trinitatis, quod affirmat etiam magister sententiarum super illud psalmi, Signatum est super nos lumen vultus tui domine. Exponens tandem dicit, quod triplex est ima-

go, videlicet creatoris recreationis & similitudinis, unde monstratur quod esse imaginis, non tantum est naturæ verum etiam gratiæ & quoque gloriæ: Namque imago creationis est naturæ, imago recreationis est gratiæ, sed imago similitudinis est gloriæ, subdit et quod homo factus est, ad imaginem & similitudinem sanctæ Trinitatis, ut piscibus maris, uolatilibus cæli, bestiis terræ, vniuersæque creaturæ, atque omni reptili quod in terra mouetur præsideret, quam ob causam Arist. primo politicorum dixit, quod venatio animalium siluestrium erat iusta & naturalis, nam homo fuit factus dominus animalium.

SCIPIO, inter omnes dotes animæ fateor maximam esse Trinitatis in salor.

BLONDVS, recte iudicasti fili, noui et enim per egregium ingenium tuum, neque hominem tantum, scio te esse natum, sed etiam & virum, tandem scias nondum me statuisse finem orationi, propterea recitabo quæ apud Philosophos miranda comperiuntur de anima, ut perfectissimis doctrinis animum instruas a primordio, Arist. secundo de Anima uocauit animam Endelechiam, quod interpretatur actus primus, vel perfectio corporis phisici organici, potentia uitam habentis, est enim actus primus, non quidem accidentalis, nec faciens unum quid, in ipso corpore, sed substantialis faciens unum cum corpore, cuius est actus, et dicitur actus primus ad differentiam secundi, duo namque sunt actus animæ, primus et secundus, sed actus primus,

fili est esse animæ in corpore, cuius est actus, Et actus secundus in corpore est, cuius est primum officium operari, Etenim anima, inquantum est actus primus corporis, cuius est, formam facit, propter hoc, quod aliquid operetur, est namque sic forma uiuentis unita ei, ut perfectio perfectibili, quoniam perficit ipsum, & dat esse illi, & fit uiuum actu, quia uita, ut monstrabitur, fili mi, est permanentia perfectientis corpus in eo, nam perfectio illa, est primus actus perfecti corporis, propterea anima dicitur primus actus, de qua Algazel disputans ait, Anima est substantia per se existens, quæ neque est corpus, neque est impressa corpori, neque perit pereunte corpore, ut quidam putabant, hæc ille de anima mortalium, Anima tandem perpetuo uiuit proculdubio, læta uel tristis.

SCIPIO, impulisti me pater, ut omnino crederem, animam uerum hominis esse, quia notum est mihi, ut eius in recessu deficit esse hominis, perge igitur quemadmodum cepisti, namque hac, nullam mihi puto gratiorem fore doctrinam.

BLONDVS, aduerte igitur, Arist. adhuc, primo de Anima, ait. n. quod anima uidetur corpus continere, cuius ingressu, corpus cadauer est, & putrescit, quoniam anima non est corporea, nec aliqua constat longitudine, neque disunditur in latitudinem, uel in proceram Altitudinem uel solidam extenditur, Verum enim uero, quia anima non est perfectio corporis, & perfectionis est hæerere corpori, ideo, Anima unitur ei, ut mouens mouenti, uel ut agens

agenti, itaq; cum agit, dicitur actus secūdo, secundū diuū,
August. Et philos. primo de Anima, duo etenim consi-
deramus in anima, eius uidelicet essentiā, quæ unitur cor-
pori, & est actus primus, tamen eius potētiae agentes cū
quibus agit est actus secundus, Recte igitur Gal. primo
de vsu, partium, vna quæq; anima facultates quasdam a
sua ipsius substantia obtinet, efficere autem ea, quæ nata
est efficere, absq; organis nequaquā potest, intelligendo tā-
de hoc secūdū potentiam vegetatiuā, & sensitiuā.

SCIPIO, quomodo autem anima utitur corpore?

BLONDVS, medio calore naturali, vt docet idē Gal.
secundo de vsu partium, & princeps lib. vniuersalium,
cum de cōplex, ætatum, neq; Auerroys recedit ab opinio-
ne istorum, in Tract. de sensu & sensato, Ait. n. nullū
Corpus est animæ subiectum, nisi calor naturalis, sci-
licet subest corpus animæ medio calore naturali, & pro-
sequens docet, si calor naturalis, corpori subduceretur, uel
alicui mēbro, uel parti eius, vt puta, oculo, confestim pars
illa seu mēbrum frigidum fieret.

SCIPIO, ignarus equidem horum sum, quinimo obdu-
ctus, vt quadam ægritudine, propterea obsecro, vt expo-
nas hæc mihi clarius, dum desideras me tuarum facultatū
verum hæredem esse.

BLONDVS, nunquam retinebo quidq;, fili, quod p-
cipue tuo honori vel gloriæ conueniens putabo esse, scias
igitur quod res ipsa, ætas, & vsus quid noui dignum iue-

ne illo, qui dat operam philosophiæ, affert, itaq; animæ est,
substantia & non accidens, est autem immaterialis exi-
re nõ potens in operationes transeuntes in materiã extrin-
secam, nisi propter media quæ sunt ipsius animæ ad operã-
dum organa uel instrumenta, nãq; aliter esset pter ordi-
nem in natura, propterea oportuit esse corpus phisicum, &
est corpus naturale, cuius est anima actus primus cõstans
organis, Et in compositione organica, multiformiter diuer-
sificatum, ut processus primi actus in secundum, & in di-
uersis, valde varius est, Ideo Arist. primo de Gener.
scripsit, opus est ad omnem generationem organis & ad
omnem aliam animæ actionem idem necessariũ esse, itaq;
partes corporis organa sunt, cum virtutibus, verum cor-
pora organica dicuntur ea, quæ i suis partibus diuersa sunt,
uel constant ex diuersis, propterea elementa, & mixta,
imperfecta non dicuntur.

SCIPIO, propter quid?

BLONDVS, propter magnam diuersitatem, quã cor-
pora organica possident in suis partibus, propter quã etiã,
ea organica, proprie appellantur, quæ & si omnia sint ani-
mata & organica, veruntamen, magnam habent diuersi-
tatem inter se.

SCIPIO, in omnibus pater mi, admirari te non desisto,
sed p̄cipue in hoc quod optimo ordine procedis filium in-
struens ambulando.

BLONDVS, esto boni animi fili, quoniam quæ sequũ-
tur

tur, lucidius etiam exponam, quo p̄ceptis ijs, inter erudi-
tos, parenti & laudis & honoris esse possis, consti-
tuatur ergo primo loco planta, secundo vero animal ratio-
nale, uel sit ex stirpibus una, uel lapidibus, uel non sit de
inhærentibus terræ, tamē sit ualde imperfectum, uel sit etiā
brutum animal perfectum, tertio loco existat homo ani-
mal rationale, ait Gal. p̄rio de usu partiū, q̄ corpora ani-
mata sunt instrumenta animarum quæ sunt in ipsis, oportet
autem ea esse congrua earum dispositionibus, cuncta
etiam corpora organica mixta sunt, Ideo in omnibus illis
reperitur duplex forma, altera secundum quam sunt mixta,
sed altera secundum quam sunt animata, nec tamen altera
illarum pendet ab altera, Quinimo altera, ut animantis
forma, altera residet ut forma mixta, ut perhibetur in
plantis, & brutis, atq; hominibus, & etiā defunctis, qui
remanent secundum propriam compositionem, remota ab
eis anima animante. Et si plurima ex ijs, diu non persi-
stant sic, at remanent in via corruptionis, p̄cipue irrationa-
lia, & homines dissoluuntur, quoniam putrescunt in suis
partibus & corrumpuntur, secundum eorum varias dispo-
sitiones, cito vel sero, sed anima stante in corpore, per-
stat & forma mixti, nec corrumpitur nec soluitur neq; pu-
trescit corpus in suis partibus, dictis etiam in tribus generi-
bus corporum phisicorum organicorū. At eorū pro diuer-
sitate tres animæ diuersæ correspondent, inest. n. plan-
tis anima uigetatiua, quæ a medicis vocatur uirtus natu-

C

ralis, & ipsa quidem exequitur opus alimenti crescentiæ
& generationis. Brutis vero animalibus inest anima Sen-
situa, quam & medicinam & philosophiam profitētes
vocant virtutem animalis quæ p̄bet motum & sensum illi
voluntarium. Veruntamē homini inest anima rationalis
intellectiua, quæ quoniā est oīum aīarū nobilissima, & plu-
rimas & multiformes actionis maxime nata est exerce-
re, propterea corpus humanum & vberius & decen-
tius organizatum est, scripsit. n. Gal. quod corpus huma-
num iunctum est animæ nobilissimæ, a qua influunt, illi
& potentiæ nobiles & multiplices uirtutes, ideo decen-
tius est organizatum cæteris animantibus, vt in anato-
micis monstratur.

SCIPIO. Equidem genitor mi, antiquam p̄tesers dicē-
di gratiam, quia eodē & ingenio ornatus es, nāq; tu solus,
omnium, hominum demonstrationis genus perfectissimū ha-
bere uideris docendo, perge igitur, instruens me vnde ani-
ma descendit in corpora mortaliū.

BLONDVS. Si quis q̄ est fili, qui natam suū erudi-
re cupit, is ego sum, nam in hoc & nomen profiteor meū,
propterea volo ut existimes patrem tuū clementissime cū
ēta dicturū, cumq; audies aliquē reprobantē hæc, respon-
debis, cū eduxeris in lucē p̄stantiora, hæc poteris repro-
bare, uerūtamen, in triuīs doloſe latrantem, efferes, ne-
quam & improbū esse hominem, scias autē, quod in bru-
tis & plantis animæ educuntur de potentia materiæ, sed

in homine creatur ab ipso omnipotenti Deo, & sine mora, ut dicunt philosophantes, in instanti infunditur. Non enim acquiritur per motū, & si nunq̃ acquiratur nisi mediante tēpore p̃cedenti, & motu, in quo materia p̃paratur, ad eius receptionē, quoniam omnis organizatio p̃cedit infusionem animæ, non in fieri sed in factō esse, habet esse suum, cū forma introduciūtur, quoniam tum, cum organizatio habet factū esse, forma introduciūtur in ipso corde. Et sic in ingressu animæ, materia generationis molem habet idoneam & p̃fectam organizationem.

SCIPIO. Obsecro effer etiā, an rationalis anima in corpore uel extra corpus creatur.

BLONDVS. Efferam libenti animo postq̃ expuero pituitam fluentem a capite, nam occipiens fauces, uocem ipsam intercipit, sed iam aduerte, plurimas propter causas anima non creatur extra corpus, sed in ipso corpore, & prima causarū est, quia maxime conuenit naturæ corporis, secūda, quia proprius actus est in propria potentia, cū anima sit proprius actus corporis, ideo nisi in corpore produci debet. Tertia causarū uel rationū est Terminus motus p̃cipue in generatione, nūq̃ p̃cedit motū, sed anima est terminus humanæ generationis, ut rei productæ quælibet alia substantialis forma. Propterea priusq̃ produciūtur corpus, anima esse non potest.

SCIPIO. At Embrio quo tempore recipit animam, uel quando in eum anima rationalis introduciūtur.

D 7

BLONDVS. Sapienter rogasti, In hoc autem uarias
inuenio opiniones, quidā etenim dicunt, quod Cor ipsum,
priusq̃ alia membra fiant, uiuit uita uegetatiua & sensi-
tiua, itaq; a primordio embrio habet uegetatiuam animam
& sensitiuam, uirtute cuius nutritur & sentit, & sic
uolunt quod embrio sit animal determinatum ante intro-
ductionem animæ intellectiua, licet imperfectum, tamen
continue perficitur, & quoniam p̃dicta anima produ-
cta est ut exposui de potentia materiæ corruptibilis con-
festim corrumpitur uegetatiua & sensitiua, cū introsundi-
tur anima intellectiua. Itaq; hæc anima continet uegati-
uā & sensitiuam in sua uirtute, sunt etiā alij, qui dicunt
in embrione est una & sola anima intellectiua tantum,
quæ habet facultatē informādi ipsum cor & uitalē effi-
cere, priusq̃ cætera mēbra, haud aliter etiā formare potest
quædam alia mēbra priusq̃ alia. Verūtamen post cōcre-
tū cor, hoc tandem uidetur rationabile. Namq; sicut ani-
ma intellectiua potest formare cor ipsum cōpleto corpore,
alia uero non formando mēbra, quædā etiā extruere po-
test cū corde, & quædā nequaquam, ut monstratur in
occasu uitæ cū principalia mēbra postremo moriūtur, in-
ter quæ cor est, quod formatur ab anima, quam uis ab ea
plura alia mēbra non formantur, ita ut sit similiter in ge-
neratione, priusq̃ alia mēbra, cor ipsum formare potest
& principalia, priusq̃ plura alia mēbra, & hoc asse-
runt non repugnare indiuisibilitati intellectiua animæ.

Nam & hoc similiter, in eductione & augmento, quod ipsa existens indiuisibilis successiue potest informare anima, atq; aliam materiam maiorē & minorē, sed ut has rationes fili, approbē auctoritate, p̄be te docilem, quo audiens hæc maiorē mihi fidem p̄stare possis, c̄perio Arist. secundo de Generatione dixisse, Quod homo prius uiuit uita plantæ de inde uita sensitua, postmodum uita intellectiua. Tamen neoterici interpretantes dicunt, quod hoc prius non indicat ordinem inductionis formarū, uidelicet, quod prius inducatur anima uegetatiua deinde sensitua. postremo autē intellectiua, sed hoc tantum notat ordinē perfectionis, scilicet quod omnes operationes uariantur in perfectione, & quod p̄dictæ operationes sunt, uelut magis imperfectæ, deinde sensitivæ, postremo uero intellectivæ, & sic uolunt, q̄ ab ipsa anima, una, quæ est intellectiua omnes p̄dictæ operationes proueniant, quod in suo processu manifestatur, & quod priusq̄ infunditur anima intellectiua cuncta mēbra formantur prius & succedendo, ut iam exposui, dicunt etiā, q̄ operationes quæ uidentur esse, ante aduentum animæ in corde, atq; ante generationē, cæterorū membrorū, non prodeunt ab aliqua anima ibidem principaliter existente. Verūtamen dicunt operationes esse spiritus seminis animati uirtualiter: Sed interpretantes prædictam Arist. auctoritatem, efferunt, q̄ uiuat prius anima uegetatiua, deinde sensitua, postmodum intellectiua, atq; hanc dicunt esse ultimam, suam pro-

pter perfectionem, & quando quæritur ab eis, an Cor,
nutritur priusq̃ iecur fuerit productum, uel sentit priusq̃
cerebrum concretum erit, quomodo hoc potest esse, cū egeat
alimento & virtute p̃cipua iecinoris, vel sentire in nata
facultate cerebri, hī tandem respondent, quod generans
cor ipsum, generat in eo venam & neruum etiam. Venā
equidem cum spiritu tali, qualis erit spiritus in natus for-
mato iecinori, qui ascendet ab epate ad cor, naturales ope-
rationes exercens, & neruum cum spiritu tali, qualis
erit spiritus, qui concreto cerebro, descendit ad cor, quo
cum exercet operationes sensus. Namq̃ spiritus genera-
tiuus p̃est cordi, velut iecur & cerebrum priusq̃ gene-
rentur, quoniam talia membra virtualiter continet, tamē
nōnulli dicunt, quod cor productum uel concretum, non
generat vel producit alia mēbra. Aiunt. n. si cor alia mē-
bra produceret suo spiritu, tum sorte fortuna, reciso mēbro
organico, illud denuo produci posset, ferunt autē hī, quod
semen ipsum cum spiritu suo productiuo generat cætera
membra, & ad formā reducit ea, & si prius hoc faciat
cor, quia aliter membra non essent idem numero, dū va-
ria haberent agentia. Dicunt etiam quod anima vegetati-
ua & sensitua diuersis temporibus diffunditur in varia
membra, nam diuerso tempore introducit in cerebrum,
ab eo, quo, diffunditur in iecur, vt vario etiam tēpore &
in alia membra, quibus dum responderetur. Igitur vna
anima reciperet multiplex esse, hoc utiq̃ negarent. Ve-

rum enim uero concederent, quod varium esse recipiunt in
diuersis membris, nāq; in vno membrorum est priusq; in
alio, est quæ vna in perfectis animalibus, ast in imperfe-
ctis, nequaquā. Prætera, dicunt, quod priusq; embrio possi-
deat perfectam organizationem, viuit quodam spatio tem-
poris spiritu vegetatiuo, quia recipit & nutrimentum &
alimentum. Postmodum, quando sentire incipit, spiritus
uiuit sensitiuo, tamen non mouetur donec fuerit perfecta
organizatio, sed post eius perfectionem, Deus omnipotens
insundit animam intellectuā possidentem virtutem uitālē,
animalem & naturalem, & hoc spatio & ordine di-
cto. Deinde corpus regitur ab hac anima in suis operibus,
p̄teritarum uero firmanur omnes actiones. His tandem
remotis, impossibile est, ut ex semine & mēstruo conci-
piatur animal rationale, uel semper mobile, aut lucidum
uel bonum ut est sol.

SCIPIO. Altissimis utiq; rebus intellectum filij tui ob-
duxisti, tamen & si hæc ardua sint, & meum adhuc
nō ascendat animum: Obsecro, ut priusq; procedas, effer-
mibi causas diuersitatis formarum, in expositis.

BLONDVS. Libenter faciam, postq; animus Scipio-
nis afficitur paterno sermone. Scias ergo fili, quod huius-
modi uarietates possunt prodire, quando ab agente quando
a materia, quando etiam a loco generationis, sed ab agente
prohibet ipsa uarietas mēbrorum corporis. A materia,
quod inducitur uarietas hæc, clarum est, nam ex frigido

Et humido alimēto in corpore efficitur pituita, ex frigido
Et sicco melancolia, ex calidis, producit bilis. Præte-
rea sciendum est, quod ipsa materia, quadam occulta pro-
prietate, nonnunquam variat formas productorum. Cōpertū. n.
est, ut caro taurina mutatur in apes, Et asinina in quæ-
dam animalia apibus simillima, Et holus atriplicis in ra-
nas, Et aer crassus cum corrupto Spiritu hominis in ani-
malia lecti, haud aliter etiam dicendum est de simillimis.
Locus vero facit dupliciter ad varietatem formarum, vi-
delicet naturaliter Et per accidens. Naturaliter, cum in
regione maximi frigoris, quo stringente Et densante, ut
plurimum animalia, atque ex terra nascentia minora, Et
quoque debiliora producantur, Et in calida. At in tem-
perata accidit oppositum. Neque est mirandum fili, namque
in regione, tali multa fit exalatio & Spirituum resolutio,
atque alimenti consumatio, Ideo in huiusmodi regione, imbe-
cilliores Et minores comperiuntur homines, sed in plaga
temperantiori, per oppositum, magni scilicet Et fortes. Sciē-
dum est etiam quod semen humanum, est secundum com-
plexionem generantis, & conceptus secundum naturam se-
minis, propterea dum semen bonæ fuerit temperaturæ Et
conceptus erit bonus, sin autem erit infectum, Et conce-
ptus erit morbidus, vel pronus ad morbum. Hinc. n. est
illud quod passiones hæreditantur parentum.

SCIPIO, Pleraque ex dictis cepto non conueniunt sermo-
ni, quoniam proposueras, instruens filium differere solū
modo

modo de anima .

BLONDVS, Nec mirandum, dū declinauerim ad ea
quæ & medicum & philosophum spectant, quia medi-
cus sum, veruntamen omissis quæ spectant ad medētem,
regredior vnde egressus fuerā. Constat fili, philosophis,
quod anima tum introducit, cum iam facta fuerit organi-
zatio. Quod & mihi videtur, namq; anima infunditur
in cor, quoniam hoc membrum est primum humani cor-
poris animatum. Non enim infunditur anima, in membrū
cordis, ni prius cor fuerit organizatum, p̄cedit tandē orga-
nizatio ingressū animæ. Scias etiam, quod generatio simi-
lium mēbrorum fit vna, vel simul cum ipsa organizatio-
ne. Nam mēbra spermatica, primo generantur, cum figu-
ra decenti & liniamentis & cavitare media, atq; alijs
vt constituit Deus hominis in creatione, & membra pri-
mū generantur, deinde iuxta figuram constituuntur, tamē
anima p̄cedit quandam organizationem, vt spectātem ad
motum voluntarium localem, quia huiusmodi motus non
potest esse mēbrorum absq; generatione membrorum spe-
ctantium ad huiusmodi motum, & sunt ossa, nerui, corde
& simillima, quæ cuncta infusio animæ p̄cedit in ipsum
cor in esse organum: Verūtamen sensus non p̄cedit, nāq;
cum primum cor est productum, tum in eo sunt & sen-
sus organum, vt carniū neruorū & paniculorum. Tā-
dem sensus interni & externi, nō p̄cedunt perfectionem
organum, quinimo, neq; post ortum, confestim natus habet

D

perfectiōem sensuum dictorum : Ideo, nec motus voluntarios, sed hanc perfectiōem consequitur post incrementum. Quoniam perfectiō operationum, non est in omni quantitate: Ideo necessarium est, ut augeatur ad congruam proportionem, quæ cum necessario requiritur, dixere quidam, quod anima non est in corde priusquam operetur: Quinimo in primo instanti, quo incipit esse primum, incipit operari, propterea vere dicitur illud, quod anima nunc habet primum esse, & nunc primo incipit operari, namque cor immediate augeri incipit post conceptionem, neque aliter, nisi per contractionem alimenti ab extra, serunt etiam, quod anima in primo instanti, antecedit, secundum tempus, omnem operationem factam, & si in ipso primo instanti operari incipiat. Propterea in hoc concurrunt, quod anima est semper in actu secundo. En igitur fili, ut ex habito sermone comprehendere potes, quomodo primo vivat, & postremo etiam moritur secundum philosophum membrum in quo est animæ sedes, etenim anima primum ingreditur cor, atque eius participatione in alia membra diffunditur & eodem officio utitur, & iuxta hanc opinionem, creditur quod cor generet alia membra, quod, ut arbitror, non faciat, virtute qua cor est, quoniam mihi videtur quod cor disponit materiam ad generationem aliorum membrorum æquæ ad dispositionem, qua aptantur per presentiam influxus cordis, in ipsis reduci ad propriam constitutionem, forma cordis, & hoc est fili animam recipere. Itaque omnia membra sunt eiusdem

Speciei cum corde. Etenim anima ut est actus primus non
inest magis uni membrorum, quam alio, sed omnibus inest
æqualiter, ex æquo etiam omnia ad formam reducit, et re
ducendo vivificat, propter quod, a quibusdam nuncupatur
virtus vitalis corporis. Et quoniam ut scriptum est de anima,
primo anima sensitiva, quæ dat esse corpori et eius cuilibet
parti, non est divisibilis in partes essentielles, namque forma
non recipit maius, vel minus, Ideo tota est in toto, et
tota in qualibet parte totius, et si principio, ut iam expo
sui, recipitur in corde, cum ergo dixit Auer. XII. Meth.
coment. II. Omnia membra humani corporis sunt eadem
genere, ergo sunt eiusdem speciei, quinimo sunt eadem spe
cie, tamē cor antecellit alia membra, tum generatione tum,
perfectione, at cum obijcitur illud philosophorum genera
ta in principio et generata in fine sunt alterius speciei,
Dico quod intellexit ille de forma specifica accidentali et
non substantiali, propterea noluit, ut cor, quod est primo
genitum, et alia membra post ipsum, differant ad inuicem
specie differentia substantiali, at solummodo accidentali.
Hæc tandem fili sufficiant de anima, nam prope domum
sumus: Verum, recordare, ut semper sit tibi cura illud
quod post mortem futurum est, meumque etiam esse viuen
tē spiritum postquam ab hoc seculo discessero, tuamque tum quoque
doctrinam studere, ut nunc facio, anima stante in hoc cor
pore, eundem tandem, æstimabis me esse post obitum et
si meum non videbis corpus.

D i

SCIPIO. Memor ero semper patris mei, dū uiuus ero
post patrem, tamen, si prius hinc discessero, præcor te, ut
eodem amore me prosequi uelis extinctum quo uiuum mo-
do amplecteris, plerumq; etenim filij ut fructus p̄coces p̄-
cedunt parentes, tu uero restantia pater mi, compendio-
se colligens, rogo, exponas, nam prope domum sumus, ubi
moratur ambos soror mea ut iam epulis solamur corpus
quemmadum animum uerbis, euntes consolati sumus.

B L O N D V S.

ANIMAE, Arbor Fœcundissima.

Truncus Animæ Triplici fundatur radice.

Vegetatiua, Sensitiua, & Intellectiua.

Tres Vegetatiuæ operationes.

Vires nutriendi, Vires augiendi, Vires etiā generandi.

TRVNCI facultas protensionis.

Vires habentis nutrimenti, est uirtus animati quæ so-
uetur quatuor qualitatibus.

Prima est, possidens facultatem attrahendi alimenti.

Secunda est, detentrix facultas alimenti ad concoctionem.

Tertia est, facultas concoquendi, quæ excoxit contractum.

Quarta est, expultrix excrementorū propter diuturnā cōser.

Obiectum habentis facultatem augendi.

Alimentum est, in qualitate uel quantitate.

Obiectum habentis facultatem generadi.

Alimentum est cum proprietate generandi eandem speciem et
hoc datum est alimento propter conseruationem speciei.

Causæ, uel radices Atractricis facultatis.

Calidum et siccum est.

In Ventriculo, In Iecinore, et In membris nutriendis.

Causæ, uel radices retentricis facultatis.

Calidum et humidum est.

In Ventriculo, in Iecinore, et in extremitatibus uenarum.

Causæ uel radices concoctricis facultatis.

Calidum et humidum.

In Ventriculo, in Iecinore, et in extremis uenarum.

Causæ uel radices expultrici facultatis.

Frigidum et humidum est.

In Dētibus, in Ventriculo, in iecinore, et in extremis uenarum.

V A S A primæ facultatis.

Ventriculus cū desiderio alimenti, Iecur cū officio attrahendi
excocti, Membra uel partes quæ crescunt alimento.

V A S A secundæ facultatis.

Ventriculus in quo tenetur contractum, Iecur in quo seruatur
contractum, Extrema etiam uenarum.

Radices Sensitiuæ.

Color, et Lumen, Sonus, Odor, Sapor, et Tactile.

Visus obiectum est, Color, et Lumen.

Auditus obiectum est, Sonus, uel aurium cōceptus.

Odoris obiectum est, Odorati fragor cōtractus naribus.

Gustus obiectum est, Sapor.

Tactus, manuum opus, obiectum est, in calido in frigido, in humido, in sicco, in duro, in molli, in aspero, et leni.

Organa dictorum sunt, nerui optici, cartilago, caruncule binae, nervus inherens linguae, nervusque ramificatus multiformiter.

SENSITIVAE ALIAE RADICES.

Apprehensio et motus.

Apprehensionis propagatio est quae duplex.

Virtus sensus communis, virtus imaginandi, virtus cogitandi, virtus recordandi.

Motus propagatio est triplex.

Via instruendi bonum vel malum, desiderium diversorum, virtus affectuum diversorum etiam. Via instrundi.

Sensus communis est ostendens formas quae videri possunt et sequi.

Oblatio intentionum sensibiliu est, sequendarum vel fugiendarum.

Vis imperans necessaria propter delectationem, Vis etiam propellendi nocua.

Propagatio virtutis Affectivae duplex.

Virtus est motum habens generalem, Virtus est motum habens particularem.

Partes eius sunt quatuor.

Contractio, et motus de loco ad locum, Progressio, est facultas procedendi, Operatio est quae initium actionis, Enuntiatio, est quae vocis concitatio.

Et contractionis est contrahere.

Progressionis est extendere, Operationis est efficere, Enuntiatio

tionis est proferre.

Ex dictis nascuntur sequentia.

Concupiscentia, desiderium, Gaudium, lætitia, amor, dilectio,
abominatio, dolor, tristities, odium, continentia, confirmatio,
& deliberatio.

In Bonum, uel in malum.

Temperantia Temperantiæ. Impartiri, liberalitatis, ratiocinari,
affabilitatis, dicere, uera, ueritatis.

In Bonum, uel in malum.

Ambitionis, Spe, superbiæ contemptus, dominationis, humilitatis,
reuerentiæ, pænitiæ, patientiæ & timoris.

Atque hæc omnia reguntur distinctione, præceptione, retentione,
& apprehensione, & hæc sunt facultates Sensitiuæ.

ANIMAE INTELLECTITAE Radices.

Intellectus, & Voluntas.

Intellectus propagatur tribus.

Natura, ordine, & exercitio eius.

Voluntas efficitur duobus.

Elicitis & imperatis.

Elicitis dupliciter.

Propter finem, & quæ sunt ad finem.

NATURA.

Omnia efficiens, omnia suscipiens.

ORDINE QVATVOR ETIAM.

Discernens superna atque inferna, iudicans.

Memoriâ concitans atque impans.

Imperio quadruplici.

Voluntario, rationali, sensuali, et operationibus iuxta ordinē.

DOTES HVIVS ANIMAE SVNT.

Illuminatio, consortium, dispositio, conclusio, atque executio.

Sed haec perficiuntur.

Ingenio, experientia, apprehensione, conceptione, colloquio, contemplatione, discretionē, dubitatione, opinione rerum, fide et conscientia.

Postremo insunt animae intellectivae haec maxime dotes.

V Sapientia, scientia, prudentia, ars, opinio, suspitio, amare, odisse, concupiscere, horrere, delectari, tristari, sperare, desperare, timere, audere, atque irasci.

V **BLONDVS.** Cū ijs tandē ornaveris animum fili, et mihi patri tuo vere constiterit, dicam te contexisse honorē domus nostrae, insigni gloriae illorū, qui tum gratia tum iudicio proborū maxime delectantur, ideo cū noverim natura tibi datā esse potestātē, augēdā et virtutis tuae et mei honoris, nihil ptermisi, i te hortādo ad studiū philosophiae, quod nō est positum in honore verborum, sed in premio aeternitatis, propterea laetare fili, nam mihi gratissimā famam ante victoriam assequeris, non suscipis etiam hostibus, stude ergo, namque spes omnis in te mea est, tu vero a patre indies maiora expectans facile cognoscere poteris te mihi mea vita chariorem esse.

Ex Tugurio proprio.

FINIS.

